

Getuienisbediening terugvoer - Missie Japan Nuusbrief

Stephan van der Watt van Missie Japan sal die erediens van 18 Julie hanteer. Ons sien baie uit daarna om sy boodskap te hoor en om so bietjie meer van hulle werksaamhede in Japan te verneem.



Plaaslewe is lekker!

SUID-AFRIKA BESOEK

Eerste treë ná 4 jaar

Beste Wouter,

Groete uit die Suide van Suid-Afrika ...

Ons het op 4 Junie veilig in Johannesburg aangeland. Danksy die oop hande en harte van goeie vriende, was die landing sag en kon ons gemaklik die lieflike lang pad deur die Karoo vat, met kinders se oë wat rek vir Koedoes en nog wat. Ons het die eerste 10 dae in Stilbaai afgesaal en tot verhaal gekom met 'n goeie skeut vars waardering vir ons tuisland!

Om albei van ons (my en Carina) se ouers en ander familieledede gesond en in lewende lywe te sien, is 'n groot genade. Ons kuier in die dae by my ouers in Humansdorp, waar die kinders veral die tydies op die (familie) plaas geniet. Alhoewel ons gesin op 'n streep deur ons eerste rondte verkoue moes deurwerk, is almal nou in een stuk en gesond. My (tweede) Covid-toets was genadiglik negatief. Carina is gesond en gaan tussendeur ook met ons kinders te tuisonderrig voort, al is dit nou met 'n aangepasde ritme en inhoud.

Verlede Sondag (20 Junie) het ons besoek program afgeskop by die erediens van Impetus gemeente (in Gqeberha). Ek het ook die afgelope dae kontak gemaak met heelwat gemeentes oor ons

besoeke in die volgende maande. Dit sal meestal in persoon gebeur, waar nodig aanlyn, en/of in kombinasie. Intussen het ek ook besig gebly - in samewerking met Missie Japan kantoor in Bloemfontein – met die saamstel van ons bemarkingsmateriaal wat ons tydens besoeke wil versprei. Die opkomende naweek (25-26 Junie) neem ek deel aan 'n internasionale (aanlyn) konferensie, georganiseer vanuit die Fillipyne en Korea.

Vanaf 28 Junie neem ons verlof en sien ons uit om dieper tot rus te kom. Middel Augustus tot middel September neem ek ook studieverlof, maar dis 'n tyd wat ook ander vergaderings (o.a. oor diakonale projekte) en geleenthede om lesings aan te bied by Teologiese Fakulteite, sal insluit (wat nog geskeduleer moet word).

Die voorlopige skedule van besoeke wat voorlê – met in ag neming van COVID onvoorspelbaarhede wat dinge kan omvergooi - is soos volg:

27 JUNIE: NGK HUMANSDORP
18 JULIE: NGK LA ROCHELLE
25 JULIE: NGK STILBAAI
1 AUG: NGK STELLENBOSCH-WES
8 AUG: NGK ALIWAL-NOORD
15 AUG: NGK HEROLDSBAAI en GEORGE-SUID
22 AUG: NGK STELLENBOSCH-MOEDER en KRUISSKERK
26 AUG: GEREFORMEERDE KERK GEMEENTES DRIE RIVIERE
29 AUG: NGK HOOPSTAD
5 SEPT: NGK BERG-en-DAL (BLOEMFONTEIN)
12 SEPT: NGK SWELLENDAM
19 SEPT: NGK WELGEMOED
26 SEPT: NGK TABLEVIEW
3 OKT: NGK BUFFELJAGS
10 OKT: NGK GROOT-BRAK
17 OKT: NGK BREDASDORP

Die meeste van die bg. besoeke is op Sondag by gemeente eredienste. Natuurlik is daar ook besoeke aan ander gemeentes, individue en kleingroepe tydens weekdae wat nog beplan word. Missie Japan se belangrike jaarvergadering vind ook plaas tussen 11-15 Oktober in Stilbaai. Ons sien uit om soveel moontlik familie, vriende en ondersteuners te sien in die tyd wat kom. *Baie dankie dat ons op jou gebede en ondersteuning kan staat maak.*

Vrede en sterkte in die derde vlag se kruin!

Ons leef in verbondenheid mee.
Stéphan